

重印元妙觀志

吳蔭培題



中華民國十六年十月付印
中華民國十七年二月出版

元妙觀志二冊

定價大洋壹元

實售大洋八角

印行者

蘇州觀前市民公社

經售處

蘇州振新書社

元妙觀志卷七

吳縣石韞玉竹堂鑒定

長洲顧 沅湘舟輯

集詩下

題元妙圖贈亮翁度師

國朝宋實穎

寥陽寶殿已蒿萊，賴有真人建法臺。
翠柏陰陰藏日月，長松落落起風雷。
集仙鶴馭來天界，侍衛龍烟湧上台。
前度劉郎還在否，碧桃重見觀中開。

過亮翁大度師瞻仰借鶴

烏程凌一飛 秋渚

憑將化現向人傳，放眼爭看鶴馭仙。
雲氣遠浮瑤海外，香光四繞法壇前。
踰躡影裏迷青嶂，鼓吹聲中下紫烟。
知是感通應有意，天風時傍羽衣邊。

法師亮公禱雨元妙觀賦頌

陸世廉 七七翁

元都彷彿是仙都，呼吸遙通帝座隅。
劍影光寒山鬼殛，篆符飛動玉龍驅。
土膏已竭三時澤，膚寸應蘇萬竈枯。
人事天心兩難問，九還丹鼎足相扶。

亮生施法師振揚道法辛卯三月三日張子兜庵延致元都凡九日鸞鶴隨臺而舞觀者樂之爲賦召鶴詩

鄭敷教

三月雨初霽桃花零亂飛元都千樹古巖巖動風威香嚴志氣肅道勝鬼神依有物自流沙蹠躑逐煙扉行人貪仰面止者咸其腓窮紘露黝紫極際渺雲輦可憐華表心人民半已非

橫江何處飛空庭自々不見彩雲端肉眼徒碌碌飾之金樊籠毋乃非其欲所以師曠聰援琴動哀玉復聞王子喬吹笙弄清曲兩物自相知蕩摩如有屬支公昔有道趺坐南山陲遺以雙白鶴徘徊意惜之迴風返寥寞翩然太液池西方和雅音演暢春風枝變化如有待重此凌霄姿

亮翁施法師初度小詩奉贈

鄭敷教

國師庵冷石龕平會有真人下玉京龍虎山頭親與記穹窿山上道初成焚香引樂來三鳥玉鈴金鑣遂五丁茅許後身誰得似宗雷此日載尋盟聞君鞞韞殘照迴步玲

瓏禮上清感得諸天驅造化翻教羽客氣崢嶸王臣外護履聲弄掣電行雲白晝轟我自仙緣慚叔夜人瞻壽相揖籙鍾三千八百行將滿半粒餘升悟此生佇看前驕陪侍從漢家封禪屬君卿

奉贈亮老施大法師

同里張適鶴民

物外看君骨髓青襟期歷落御雲輶囊攜玉笈藏符祕鼎鍊丹砂養性靈授法松窗雲自護談經竹院虎爲扃名山普建千秋業行滿功高已勒銘

又

同里鄭樹珪桐山

丁甲全書貯錦囊才揮玉塵動星光闡揚清淨神應護演說虛無道自彰伏虎庭前山月皎散花幔外羽衣香過從頓覺塵心迥坐論真銓幾夕陽

集唐一律贈亮施生度師

許王儼孝酌

碧梧棲老鳳凰枝

杜甫

不比商山咏采芝

許渾

真訣自從茅氏得

李白

空林獨與白雲期

王維

五

千言裏教知足

白居易

八百人中獨姓施

施肩吾

流蕩此心難共說

釋靈一

丹霄何路接差池

奉贈亮生先生

俞南史

鸞鶴紛飛鎮作羣先生道術繼茅君丹砂小篆扶神力寶劍寒光耀斗文仙鹿閒依花
下臥鳳笙遙憶月中聞可憐無限人間事欲向峯頭叩白雲

施度師於十八日拜表天門焚篆之次忽有三鶴自五嶽樓而來旋遶三清大殿
之上迴舞週時始摩空而去詩以紀之

顧丁璫

鐘磬徐宣天樂遲恍如 帝座肅朝儀九龍捧日開金闕三鶴銜雲遶玉墀紫篆遠迎
碧落駕素禽遙聽步虛詞盡傳緱嶺吹笙事未及元都仙羽奇

余素皈依施大度師敬受文昌寶籙今因省親至東粵恭遇撫臺劉大中丞延師
啓建黃籙普福道場因得朝夕隨喜敬賦三十二韻以誌其盛 彭定求

帝顧無私眷粵東福星如日照鴻濛 九重簡畀經綸業萬里澄清保障功尙德緩刑
膏澤茂衢歌巷舞惠施洪寅清久徹丹霄鑒景命遙膺絳節通江左高真遊海嶠羊城

福醮建穹窿道緣符契良因合法事虔修昭報隆祝

聖祈

天勤對越敕寧佑 國展誠衷欣逢聖善週花甲敬禱岡陵答化工四十良辰諸福集
八千壽域一門同至誠奏格神臨汝明德馨香道在躬源遠流長追水木慶餘善積逮
穆蟲度師素行通霄漢寶籙元文達玉宮敷布農時霖雨降肅將帝享旭光融歡心黎
庶咸奔駿瑞應仙禽亦舞獅來自三吳衍大法頓開五嶺遍休風春臺忠愛茲彌溥仙
府功勳此益宗錫類神人寬密網陳情遊子仰幷幪銘心此日隨蓬島報德他年頌嶽
崧佇盼絲綸褒鼎鉉拭瞻枚卜佐宸楓堂前燕喜嘉禎洽膝下麟祥啓佑豐青海宮中
籌滿碧赤松頂上日初紅羈人感被生成切敢附民謠達聽聰

奉送施大師還吳

三韓卞三魁

施度師自穹窿不憚遠道來南中大施法力拯顛蒙左執鬼中右殤宮前能喚雨後呼
風沉疴頓爾覺惺鬆調元贊化歲時豐井邊一葉下梧桐秋月秋風歸興濃送君但有

詩一首相期多在三年後許我一樽殷若酒穹窿山下重攜手

辛亥蒲節訪施翁於珠江片語余時從鱗山還羅浮採藥詩以誌遇

張穆

黃玉高冠白鶴翎王侯爭奉講真經肩摩日月成三象手捏雲雷役六丁豈爲出神騎
竹杖每因施法別松庭朱明洞裏曾留約鸞鶴乘間再叩扃

大中丞韓公步禱得雨敬賦長歌作頌

陸世廉

六月三農懋雨澤山川滌滌田龜坼桔槔不住水泉枯佇待神膏起捐瘠勤雨當年欲
焚巫癡龍驕蹇不堪呼風雷寂歛無消息繁露遺規事已蘇原野蕭條跡似掃撫公遠
法松林禱不辭足繭往來頻爲惜民瘼着步早憑仗穹窿老度師靈符飛動鬼神知親
承玉旨聲相許少女風微乍起時便封瑤囂傾馬鬣甘霖驟浹人心愜察眉慘戚轉謳
歌婦子依然欣餉饁誰道天心不易回亦資調燮亦栽培肯教賦緩胥無擾禁得商羊
效舞來膚寸均沾忽以徧投壺天女爭掣電豚蹄無事祝污邪豐稷應將珪璧薦病叟

支離苦不前得邀涓滴慶無邊閒扶杖看禾黍綠笠青蓑咏大田

再送施尊師歸穹窿

成德

紫府追隨結願深日歸行色乍駸駸秋風落葉吹飛鳥夜月橫江照鼓琴歷劫升沉應有意孤雲去住亦無心貞元朝士誰相待桃館重來試一尋

壬寅六月十五夜同吳正始遊元妙觀時施亮生度師祈雨

徐崧

恆雨昔既苦恆暘今更難千人喧月殿十日炙雷塘道法非無驗天心未肯寬吾儕宜畏懼勿作冶遊看

同王築岳登彌羅寶閣

徐崧

歲暮過仙觀巍然寶閣雄燈光搖碧落香霧靄寒空迥出三清上迴看一郡中森羅都在眼誰不歎神工

登五嶽樓贈陶鍊師

李貺

我亦名山愛臥游楚烟吳水日悠悠紫霄倘有羣仙下應在陶家五嶽樓

和臞庵登五嶽樓韻贈陶鍊師

朱陵

知己相看盡白頭，自憐婚嫁尙牽愁。得君提挈閒登眺，已當名山處處游。

元都觀贈陶鍊師

陸來

杖藜何處覓仙桃，玉洞飛花近市橋。絳簡書傳開石室，步虛聲響接雲霄。香生寶鼎丹初轉，名列蓬壺路不遙。讀罷黃庭佳客至，星壇可許掛詩瓢。

陶鍊師東嶽殿落成索詩賦贈之

徐秉義

誰似居塵不染塵，壺中六月有冰輪。至今猶憶陶宏景，滿院松風不賣人。

元妙觀

李聖芝

羽客閒談化鶴年，狎霄惟藉玉壺烟。星壇藥竈依然在，鍊得丹房幾個仙。蔡經仙後日如梭，可有松喬駕鶴過。贏得滿城油壁亂，靚粧來看步虛歌。

登彌羅寶閣

張大純

寶閣中天構巍然，接上台輦飛雲路。迥輪奐，帝幢開歡忭，瞻三界。砰訇接五雷，運心規。

絳闕潔志證丹臺肅肅鸞輿入遙遙鶴馭來元都仍在望仙客步虛回

元妙觀裘衣殿之西偏有隙地三四畝架屋數椽曰鶴瓢山房予昔年讀書處也
予友顧垂服蔡宗玉王彰吉家繡武輩相繼下帷於此因施度師起建彌羅寶
閣暫借此地爲方丈度師化去遂忘前約後以楮蒼書申梅江諸先生議判還
其半戊辰冬風波復起計謀全占而張真人適駐節吳門曲全其事聊託短章
以寄歎息

張大純

金闕寥陽地規模自昔分旋廳誇幻術紫電盪妖氛芝檢開新色瑤笙憶舊聞棲真望
天鶴何事更移文

重建彌羅寶閣登眺之作

吳士縉

崔巍寶閣上參天時有雲霞拂檻邊勢壓雄城低雉堞影侵碧漢接神仙晴山翠繞開
吳苑遠水波迴見越船今日功成千載賞莫將興廢話當年

彌羅閣

程琬

彌羅寶閣與雲齊玉檢金龍濕紫泥日出仙官朝欲罷珮聲迢遞下雲梯

元妙觀萬壽醮壇

胡正亨

華渚虹流受命祥普天廣慶頌無疆彌羅傑閣齋壇肅元始瑤階御氣香羽客笙歌齊
縹緲鵷行佩委共趨蹌不須金鏡千秋錄應識堯天日更長

登彌羅閣

胡正亨

複閣層樓面面開登臨彷彿步瑤臺人間忽見黃金闕天上應同白玉階星斗爛羅
萬象雲霞掩映護三台琳宮勝地無逾此疑聽鈞天入夢來

元妙觀

張爵

玉都紫府在人間卻笑荒唐方丈山鏡鼓諸天欣接迹不難從此廁仙班

同徐松之游元妙觀育嬰堂

陸堦

堂構清幽掌籍齊盡將施捨姓名題書齋飯罷春光好閒與高人一杖藜
發發朱魚水一泓何知海闊與天空可憐幾許嬰兒命都在諸君始念中

元妙觀

貝模

金闕城東近巍峨紺宇環星辰參玉殿日月蔽天關妙諦雲霞外元根紫翠間真人遺舊蹟何日著囊還

彌羅閣眺望

吳苑

高閣俯城中晴光處處通書空傳越絕地自屬吳宮征鳥依林末游雲佇海東登臨無限意都付與江楓

登彌羅寶閣

費洪學

五湖晴色繞城隈高閣凌空四望開雉堞正當檐外出山雲半入檻中來遙瞻萬井人烟動俯見千林鳥雀回勢與浮屠相並列氤氲香靄護重臺

贈惠虛中鍊師六十

彭啓豐

偶攜瓢笠偶安家漫擬蓬萊水一涯金匱有書依柱下濠梁無語契南華屢排靈瑣祈甘雨閒誦黃庭佩紫霞笑謝山中猿與鶴元都隨處種桃花

游仙詞題惠虛中練師照

彭啓豐

曾向蕭臺侍玉皇
翩然跨鶴返吳鄉
彌羅閣上朝眞罷
不異華陽與紫陽
三茅仙蹕啓行宮
縹緲穹窿一氣通
授籙齋心朝北斗
步虛雲裏仰罡風
早從莊叟悟空虛
冉冉浮雲自卷舒
白雪黃茅成獨契
道書閱罷更儒書
蔬笋清齋餌紫芝
寫來形影坐忘時
屏山小幅藏丹誥
憩石聽泉境總宜

夏秋苦旱謬任祈禱幸得雨蔡竹坪明府贈詩次韻答之

惠遠謨

雲霓遙望是耶非
旱潦誰能測化機
已歎三時甘澍少
更堪千里火雲飛
痾瘵正切司鈞念淺薄空慚道力微
一雨滂沱蒙帝澤田疇欣報黍苗肥

同張芝岡楮安鶴游元妙觀

范來宗

淑氣新回萬象開
偶然攜手步芳埃
元都觀裏千人佛
誰識閒雲兩片來

蘇州元妙觀登三層樓

趙翼

傑構雄都會重簷
碧落邊地離天不遠道
與釋爭傳紫極宮垣峻
青冥殿榜懸侈功窮

土木壯觀奠山川窗俯千尋樹香連萬井烟獅林人僅寸虎阜塔齊巔玉座三清像瑤
臺八洞仙圭裳班肅穆旌旆勢飛騫岳瀆羣神列風雷一氣旋猶龍宗派遠鳴鶴咒符
先科律黃冠習威儀繡褱八琅天樂曲七宿斗壇筵丹篆雲霞古金莖沆醴鮮降魔
椎作杵送鬼紙爲船別有披蓑客相傳脫屣年宋何立肉身尙存東窗看鼎鑊下界棄蹄筌地
以仙靈著人彌信嚮堅神都增肝鬢佛刹遜喧闐萬乘巡曾駐三元會共虔周廊千
步地列肆百區廛祝卜筵篋集游觀履寫駢種桃詞客句賣藥道人錢我躡丹梯級來
繙綠字箋市聲聒不到天籟咳相連眼廓三千界胸羅廿八躔置身霄漢上已覺斷塵

緣

10

1

1

10

...

1997

元妙觀志卷八

吳縣石韞玉竹堂鑒定

長洲顧 沅湘舟輯

集文上

寥陽殿上梁文

龔頤正

在昔吳郡于今漢輔誕惟仙聖之宅有嚴壯麗之區與日月以蔽虧式表中天之華闕
帥雲霓而來御蔚爲上帝之高居慶基岳峙以當陽琳宇星羅而拱極南端洞達正殿
穹崇維時三境之常存駢集九光之法駕螭蟠萬礎遺址故存翬飛百楹羣目未睹方
重熙累洽之運正遠至邇安之時曾是殊庭莫還舊觀其何以佇飄游于盱眙甄靈貺
于幅幘皇上睠言不吝有司之費壽宮申祝亶儲二聖之休守臣承睿志以致虔上土
不崇朝而樂施至人示化高道勤心占營室於瑤光萃梓材於荊楚莫不霞舒引墨雷
動揮斤是度而是宜不震而不竦瓊檐繡棋倏若化成金甌玉階殆非人境佇結綺粲
朝嗽之采想觚棱宿霏烟之祥仰規太紫之圓方俯盡鬼神之情狀下鏘鳴之玉珥知